

117. fundur skráningarráðs haldinn 26. febrúar 2019 kl. 09.30-11.30 í húsakynnum Landskerfis bókasafna

**Fundarmenn:** Áslaug Þorfinnsdóttir, Helga Kristín Gunnarsdóttir (fundarritari), Rósa S. Jónsdóttir (formaður) og Þóra Sigurbjörnsdóttir.

Auk þess sátu fundinn Hallfríður Hr. Kristjánsdóttir, gæðastjóri Gegnis, og Rósa Björg Jónsdóttir, Landsbókasafni.

### 1. Fundargerð síðasta fundar var yfirfarin og samþykkt

### 2. RDA skráning spila

Rósa Björg gerði grein fyrir grunnskjali um RDA skráningu fyrir spil og leikföng. Búið er að prófa að skrá skv. reglum í Landsbókasafni auk þess sem búið er að gera skemmri skráningu fyrir öll spil sem komin eru út á íslensku. Ákveðið var að nota orðið „púsl“ í stað „kubbar“ í lýsingu á púsluspili í sviði 300 |a 1 púsluspil (440 kubbar). Skjalið var samþykkt og verður sett inn í HASK ásamt gátlista sem einnig er tilbúinn. Dæmum mun fjölga eftir því sem meira verður skráð. Rósa Björg hefur einnig útbúið færslusnið sem hún mun senda til Daggar.

### 3. Meðferð á sóttum færslum AACR2/RDA

Hallfríður lagði til að samþykkt skráningarráðs frá 2016 um meðhöndlun á sóttum færslum yrði endurskoðuð í ljósi þess að búið er að breyta öllum færslum í Gegni afturvirktil til samræmingar við RDA. Svið 246 er oft notað í sóttum færslum fyrir frummálstitil í stað 240. Ákveðið var að breyta því ekki að svo stöddu. Samþykkt var að allar sóttar færslur yrðu uppfærðar skv. RDA.

### 4. Sérstafatafla – texti í hask

Farið var yfir texta um sérstafanotkun sem verður settur inn í HASK. Sérstafataflan verður löguð og munu tveir gluggar aðskilja vestur-evrópsk og austur-evrópsk mál. Ákveðið var að bætt yrði inn í textann um 2XX sviðin að nota skuli sérstafi úr töflu og að textinn um sérstafanotkun færi inn í svið 245.

**Önnur mál** – nokkur mál voru tekin til umræðu

Fræðslufundur skrásetjara: ákveðið var að fresta umræðu til næsta fundar.

Rósa Björg sagði frá vantasafni Landsbókasafns.

Sóttar færslur frá OCLC: þeim fylgir oft langur listi af safnkóðum í sviði 040, uppruni færslu. Hallfríður ætlar að ræða við Dögg um að skilgreina í fixinu hvaða svið megi taka út. Ef fjöldinn fer yfir ákveðin mörk verður ákveðnum sviðum eytt.

Heitið „hlutur“ er notað í sviðum 336 og 338 fyrir sitt hvort hugtakið, annars vegar fyrir þýðingu á „three dimensional form“ og hins vegar fyrir þýðingu á „object“. Hallfríður mun biðja þýðingarhóp að endurskoða þetta. Ákveðið var að nota heitið „þrívítt form“ í staðinn fyrir „hlutur“ í sviði 336.

Það vantar hlutverk til að lýsa því þegar verk er byggt á öðru verki, t.d. þegar verk er endursagt. Í Gegni er ekki hægt að gera nafnmynd fyrir hugverk en það þyrfti að vera hægt að tengja við upprunalega verkið í sviði 700. Ef deilisvið |i Byggt á er notað í sviði 700 þá raðast |i neðst í stað þess að koma efst. Skráningarráð ætlar að skoða fyrir næsta fund hvaða tengslaskilgreininga þörf er á, sbr. viðauka J í RDA-Toolkit. Hallfríður ætlar að biðja Dögg að skoða birtingu á |i.

Bráðlega verða tekin upp kóðasvið í greinifærslum fyrir tónlist til þess að hægt sé að lesa saman við tónsafnið. Þetta verður „local“ svið svo hægt sé að tiltaka númer disks og lags.

Verið er að athuga hvort hægt sé að virkja „record control number“ fyrir greinifærslur og til þess að hægt sé að tengja saman mismunandi form, t.d. rafbók og prentaða bók í sviði 776.

EURIG-fundur verður haldinn í maí þar sem m.a. verður undirbúinn samnorrænn RDA-fundur sem haldinn verður í Helsinki í haust.

Næsti fundur verður 26. mars